

पत्रुसए

उस०कताव ओसरो चिथी

आव चिथी येसुए उसिस पत्रुसए ओसरो ज़। नो चिथी परींद ओराएज़्यावराए येसुए उमिनत दुख दैव ज़ यानैज़्याव। है जैद पत्रुसए ‘अजम्बरी जुनीए जेआस बनै थ०रिउ लिज़्या’ लिद सम्जैद, यायुँ सभें:द ओराएज़्याव (१ पत्रुस १:३-१२; ५:१२)। परमेस्वरलाई यायुँ हुप्ज़्यावर आव मानुवात खासिद यालिज़्यावए (१:१७; २:११) ख्रीसए ओदैव मिताव दुखर नोराए मनी दैन्या लेर (४:१-१६)। निताव दुखर उहुदी ब परमेस्वरलाई यायुँ हुबोर सरकारए ओकानुन धूँल सतस लिद परमेस्वरए ओक्याँत ख्यासिद लिन्या सरै:सिउ लिज़्या (२:११-३:१२)। माचाव येनत दुख दैज़्याव देखा बुरू चाव येनत दुख दैन्या चाव लिज़्या (३:१७)।

१ डा पत्रुस, येसु ख्रीसए ओसाचीए डाल्योनी, जे परमेस्वरनी छाँतिसिउर पोन्तस, गलातिया, कापादोकिया, एसिया सोनो बिथिनियाल चितराँ पुतराँ ताद खासिद लिज़्यावरालाई आव चिथी परींद डायचिज़्या। २ परमेस्वर गेबाबुए जेलाई ओज़ा येसु ख्रीसए ओपाँ भें:न्यार जैन्याए जूनी जेलाई ड़ादाकिन

ज़ थ:रैद, छैव उपरुसए चोखोइद, ओज़ाए उभीए ब छरैचिक्यो।

जेल्योदा परमेस्वरए उयुँ भन ज़ गराँद जेयुँ होलाँ जैद ओयाचिउक।

अजम्बरी जुनीए आस

३ गेप्रभु येसु ख्रीसए ओबाबु परमेस्वरए उमिन बनै ओघ्यो:क। गेल्योदा उयुँ नाद सा:रो जुनील

जर्मैसिक्यो। है जैद ओज़ा येसु ख्रीसलाई सिउनी ओसोचोइवए गेलार्ई मनी अजम्बरी जुनील बान्या आस याद नैसिउ। ४नो आस स्वर्गत नैसिउ जेजुं ज़। नो जुं चिन्या ब माले, खेमन्या ब माले, मान्या ब माले। ५परमेस्वरए नो अजम्बरी जुनीलाव जेआस छीनीकाव बेलाक सयोःदद्याचिरिज़्याव। नो सयोःद ओमायाचिवा पै जे नत जेयुं सुहुप्द जेनैज़्यावए जेलाई ओल ओसक्तीनी जोगोइद पाथस नैचिज़्याव। ६है जैद आज्यालकाव जाँवा पै जेदैज़्याव दुखर जो मितावर याहुदी ब प्राइँ सहिद रेंव ज़ जेलिज़्या। ७किताव सुनलाई मेंःल खारिज़्यार, हिताव ज़ आव जेदुखए ओअर्थ मनी 'जेयुँ साचो उहुप्ज़्याव सैं ओमाहुप्ज़्याव?' जाँचिन्याए जूनी ची। जेयुँ हुबो ते खेमद बाज़्याव सुनकिन भन ज़ ओएः ल्यो लिज़्या। है जैद दुखर उहुक जेसहिधुकिन येसु ख्रीस ओसरैःसिहुव बेलाक जेलाई थंरिउ, महिमानोर, जेगुन ल्योर दैहुन्या ले। ८नोलाई झादाकिन जेमारैःधुदी ब मया जेदोज़्या। आज्याल जेमारैःधुदी ब ओल्योदा जेयुँ हुप्ज़्या। सोनो जेरेंतए ज़ोःवा ज़ोःवा जेताज़्या, ९काराव ल्यो ताकिन नो जेयुँ जेसुहुबोनी अजम्बरी जुनी जेदैरिज़्या।

१०-११ जेल्योदा इताव जुनी हरिज़्या

लिद अगमबक्तराए नो असिकए जूनी झादा ज़ सर्द नैर। ख्रीसए उपुरुसनी ओल ख्रीसए उजूनी 'दुखर दैद उसिउत ज़गै मगैव तारिज़्या' लिन्या झादा ज़ पाँद लेर। खाली नो पुरुसनी यादैव पाँए ओअर्थ माबुफ़िद, 'आव खा बेलाक, सु ओतारिज़्याव?' लिद खिमो ज़ यानैज़्याव। १२छीनी नो पाँए ओअर्थ प्राल्द होराए यापालाकावए जूनी माःक, जे जेपालाकावए जूनी ची ओल्यो लिन्या थरैकेर। आज्याल नो पाँ ज़ जेलाई परमेस्वरए ओपाँ सथैज़्यावराए स्वर्गतिन परीसिउ छैव पुरुसए ओसक्तीनी सथैचिज़्यार। नो पाँ परमेस्वरए ओचाकज्याराए मनी बनै थैन्या युँ यादोज़्याव।

छैवस लिन्या

१३है जैद जेतहस लिद, प्राइँत ज़ सैसिद भाःसिद लिचिके। येसु ख्रीस फरिकाव ओरैःहुक जेलाई यान्या असिकदा जेयुँ थू जैद नैचिके। १४किताव लुज़ाराए है दासिउ याभैःज़्याव, हिताव ज़ जे मनी परमेस्वरए ओपाँ भैःद, नो झादाडाव ओपाँ मासैंदकाव जेयुँ स्यासो फरी ताजैच्यो। १५जेलाई खुल्ज़्याव छैव लिज़्या। है जैद जे मनी हिताव ज़ प्राइँल छैवस लिचिके। १६धर्मसास्त्रल मनी इताव सर्सिउ लिज़्या,

“डा छैव डालिऱ्या,
जे मनी हिताव ज़ लिच्यो।”

१७ होए मिं रँ:द मादोव, येन रँ:द वाज़ दोऱ्याव। नितावलाई ‘बाबु’ है जेदोऱ्याव ताकिन आव मानुवात खासिद जेलेवा भरी ओल्योदा जेयुं खोतोरो जैद छे:द लिच्यो। १८ जे ज़ जेसैऱ्या, डादाडाव जेजिज्यु बाज्यु-किनकाव जेदोहुऱ्याव अनाकलाव रितिथितीरानी खेम्द बान्या सुन चाँदीए फुर्सुल ओजैचिउ मा:क। १९ कान्त ज़ ओखत माल्यो हाँस्या पाथा स्यासो लँ:द मालँ:सिधुन्या ख्रीसए उभीए ज़ फुर्सुल ओजैचिउ ची। २० नोलाई आव नाम नम ओमाजैद डादाकिन ज़ उथैद ओनैऱ्याव। आव छीनीकाव बेलाक बल्ल जे जेजूनी ज़ सरै:दचाचिक्यो। २१ जे नोलाई रँ:द परमेस्वरए ल्योदा जेयुं हुप्ज़्या। नोलाई ज़ परमेस्वरए सिउनी सोचोइद ज़गै मगैव जैक्यो। है जैद जेयुं जेआस परमेस्वरए ल्योदा ज़ लिऱ्या।

२२ जे आव सतलाव पाँ भें:द, छैव ताद नैं मेंलाई मया दान्या जेतावए, नो जेमया पक्कास जेयुं स्यानी ज़ ताव ओताक। २३ काराव ल्यो ताकिन जे सा:रो जुनी दैद जेनै। नो जेदैव जुनी ते फ्या:न्या धुरनी जेदैव मा:क,

परमेस्वरए खर्क ज़ माफ्या:न्या एकतार रहिऱ्याव जींदो ओपाँनी ज़ जेदैव ची। २४ धर्मसास्त्रल मनी इताव सर्सिउ लिऱ्या,

“मिं भरी छी स्यासोर ज़,
यासोभा ल्योर ब वास स्यासोर ज़।
छीर ब थँऱ्यार,
वासर ब गलिऱ्यार।

२५ प्रभुए ओपाँ ते खर्क ज़ मामाए,
माखेमे।”

नो माखेम्या पाँ यासथैचिऱ्याव चाव था ज़।

२ है जैद मादान्या येन भरी रासो ताके — धुतैन्या, कण्ठें दान्या, मी तून्या, छुलैं पुलैं दान्या — आव भरी रास्च्यो। २ सा:रो जुनील पाखो तानान्याए जूनी भाउज़ाए नुइँ उखिम्ज़्याव मिताव जे ब परमेस्वरए छैव ओपाँए ओअर्थ खिम्च्यो। ३ काराव ल्यो ताकिन जे गेप्रभुए उगुनर दार्द जेनै।

परमेस्वरए ओराज्यालाव गजलाव लुँ

४ गेप्रभु येसुए ल्योदा हुचिके, हो गजलाव जींदो लुँ ज़। नोलाई भन मिँराए ‘माचाहिए’ लिद ख्याकेर। खाली परमेस्वरए ते नोलाई छाँतिद बनै ओए: ल्यो थ:रैक्यो। ५ जे ब जींदो

लुँ स्यासो जैसिद परमेस्वरनिकाव ताज्याव फ़िमत रीम्सिहुचिके। जे नल छैव पुजारीर ताद परमेस्वरए ओपेँज्याव युँनिकाव पुजार येसु स्त्रीसनी चरैःचिके। ६धर्मसास्त्रल मनी इताव सर्सिउ लिज़्या,

“चिऊचिके, सियोनलाव डाराज्याल छाँतिसिउ बनै ओएः ल्यो लुँ भुयारलाव गजल थाँद डानै। नो लुँत यायुँ हुपज़्यावर लाज मोर्नो तान्या मालेर।”

७जे नत जेयुँ हुपज़्यावरालाई आव बनै ओएः ल्यो लुँ लिज़्या। यायुँ माहुपज़्यावराए जूनी ते इताव सर्सिउ लिज़्या,

“भुलीराए कान्ल ज़ माज़्यासे लिद याख्याव लुँ नो ज़ भन भुयारलाव लुँ ताके।”
८फरी तोथोल इताव ब लिज़्या,
“नो ज़ मिँराए यायुँ केःदचान्या सुतुम्या लुँ।”

नोर परमेस्वरए ओपाँ यामाभैःवए नो लुँत तुम्ज़्यार। नोरालाई परमेस्वरए निताव ज़ याजैक्यो। ९जेलाई ते हिताव माःक। जे छाँतिसिउ ओथोर, राजाराए याराजाए ओसेवा दान्या

पुजारीर, ओल उमिनताव छैव जात, परमेस्वरए ओथामिचिउ उमीर ज़। है जैद जे गेप्रभुए उगुनर प्राइँदा सथास्न्याए जूनी जेलाई चुम चुमोनी पलेःद अचम्बलाव ओज़गैल भाःचिक्यो। १०जे डादा कान्ल ज़ मागनिसिउर जेल्यो। आज्याल ते परमेस्वरए उमीर ताद जेले। डादाकिन ग्यालो उयुँ मादैवर जेल्यो, आज्याल ते ग्यालो उयुँ दैद जेने।

परमेस्वरए ओपाँ धूँल लिन्या

११आव मानुवात खासिद लिज़्याव डायुँलाव डानै डामेर, जेस डाबिन्ती लिज़्या — जेयुँ जेमानैधुज़्याव माचाहिउ येनरालाई वैव ताके। नो पाँराए युँस लरै दोज़्यार। १२यायुँ माहुपज़्यावराए डाक चाव येन सतैचिके। हो ताकिन ची सुवाराए जेमिन बलेःद यायाचिदी ब परमेस्वर फरी उहुन्या छचाम जेयेन रँःद ‘आवराए यायेन ते चाव ची ओल्यो’ लिद परमेस्वरए उमिन ब सघ्योःन्या लेर।

१३-१४राज्या चलैज़्यावराए याथःरैव कानुन धूँल लिद ‘प्रभुए उजूनी ज़ डादोज़्या’ लिद सज्जिच्यो। नोर राजा

२:६ यसै २८:१६ २:७ भज ११८:२२ २:८ यसै ८:१४-१५

२:९ प्रस १६:५-६; यसै ४३:२०-२१; ब्य ४:२०; ७:६; १४:२; यसै ९:२ २:१० होसे २:२३

तादी ब, होए उधूँलावर तादी ब, यापाँ भैं:च्यो। नोरालाई, माचाव येन दाज्यावरालाई सजा यान्या, सोनो चाव येन दाज्यावरालाई स्याबास यान्या हक यासिउ लिज्या। १५ यायुँ माहुबोराए अनाकलाव माचाहिउ यापाँर चाव जेयेनए थाम थुम जैन्या परमेस्वरए उयुँ लिज्या। १६ जे फुर्सुल जेतावए हितावनी ज़ दोच्यो। खाली, 'सुए उधूँल ज़ गेमाले' लिद कोभादा बान्या मा:क, बुरू परमेस्वरए उधूँल लिद ओयेन दोच्यो। १७ प्राइँए यामान नैद याराएच्यो। यायुँ हुबो नै मेरालाई मया यारादोच्यो। परमेस्वरलाई रँ:द छे-च्यो। राजाए ओमान ब नैदिच्यो।

यायुँ हुबो बाँदाराए यायेन

१८ जो बाँदा जेलिज्या, जेसाहुराए यामान नैदद्याद याधूँल लिचिके। यायुँ ग़ालो सोनो चावरालाई वाज़ मा:क, अखत्यासोरालाई ब यामान नैद याराएच्यो। १९ जे अनाकल ज़ मादैन्या दुखर जेदैक परमेस्वरलाई सम्जिद जेसहिकिन नो परमेस्वरए ओपैँज्याव मिताव येन ज़। २० माचाव येनत सजा दैद जेसहिकिन नो काता ची ओतारिज्याव? चाव येनत दुखर दैद जेसहिकिन ते परमेस्वरए ल्योनी

असिक जेदैरिज्या। २१ आव येनए जूँनी ज़ परमेस्वरए जेलाई खुल्द नैचिउ। ख्रीसए मनी जे जेजूनी दुखर सहिदद्याचिक्यो। है जैद उसिलत बान्या येम सतैद नैसिउ लिज्या।

२२ "होए माचाव येन खर्क ज़

मादोव,

धुत ब खर्क ज़ मापाँए।"

२३ याथल्क ब फर्कैद मारायो। दुख याएक ब 'रँ:द नैच्यो' है मारादोव। बुरू, 'जो तादी ब चावस फाल्न्या ओल परमेस्वर ज़ लिज्या' लिद ओक्याँत ख्यासिद लिके। २४ गेलाई 'पाप दान्यात सिधुव मिताव जैसिद परमेस्वरए उयुँलाव मिताव येन दान्या घतारक' लिद क्रुसत तङ्गैसिद गेदोव पाप भरी ओल ज़ घुदर्चासिक्यो। है जैद नोए ओघाइनी ज़ जे जेगराँके। २५ जे ड़ादाकिन डोइव बेधा स्यासोर जेल्यो, अब ते पाथस नैज्याव जेर्गे गावलाए ओल्योदा ओल्द हुद जेले।

ज्या-रीलाव पाँर

३ जे रे दाव मेंमार, जेरेराए यापाँ धूँल लिच्यो। हो ताकिन ची परमेस्वरए ओपाँ माभैं:ज्याव जेरेर जे है जेमारादोदी ब चाव येन जेदो-ज्यावए परमेस्वरए ल्योदा हुन्या लेर।

२छैव जेयेन सोनो परमेस्वरए ओमान नैद जेएज्याव रँद यायुँ परमेस्वरए ल्योदा जैव ब धुर। ३जेक्याँ जेबनैसिक जेचेम परीद, सुन चाँदी जासिद, चाव चाव क्वा क्वाइसिद, पाखाताव सतैन्या वाज्ज ताताक। ४हो देखा बुरू जेयुँल बनैसिचिके। युँलाव खर्क ज़ मालिसिन्या सोभा आव ज़ — थकानस, तहस लिन्या। नोलाई ज़ परमेस्वरए चाव रँःज्याव। ५परमेस्वरए ओक्याँत ख्यासिउ भाःडाव छैव मेंमाराए ब हिताव येन ज़ दोकेर। यारेराए यापाँ धूँल लिद यायुँल बनैसिके। ६साराए मनी ओरे अब्राहामलाई ‘प्रभु’ लिद ओपाँ भरी भैःके। जे ब माछेद साचो छैव येन जेदोकिन साराए ओज़ार ज़ तान्या जेले।

७जे ज्या दाव खेपाराए मनी, ‘डाज्याए ओर्सा डार्सा स्यासो माले’ लिद अखत्यासो माजैसिद लिच्यो। सोनो, ‘आव साःरो जुनी सिप ज़ गिन्दैके’ लिद ज्याए ओमान ब नैदिच्यो। जिन जिन्माखैकिन जिन्पोंखारिज्याव परमेस्वरए ल्योड कातानी ओकेस्त्रिज्याव?

८है डादाचिउ भरिए ओअर्थ आव ज़ — जे जेल खैद तोबो फूलाव मिताव जैसिद हुनी होदा सम्जैसिच्यो।

मासघ्योःसिद नैं मेंए ल्योदा जेयुँ ब ओगराँक। ९माचावलाई माचाव फर्केद ताएच्यो। याथल्चिदी ब जे ताराथल्च्यो। बुरू असिक याराएच्यो। काराव ल्यो ताकिन आवए जूनी ज़ खुल्सिउर जेलिज्या। निताव जेदोकिन जे परमेस्वरए ल्योनिकाव असिक दैन्या जेले। १०धर्मसास्त्रल ब इताव सर्सिउ लिज्या,

“जोए फाबिन्या चाव जुनी पैज्याव,

होए ओसेलाई माचाव पाँनी जोगोइद,

ओयाःनी धुत पाँ तापलेवक।

११बुरू माचावनी ओल्द चावदा बाद, प्राइंस खैन्या उखिमोक।

१२काराव ल्यो ताकिन प्रभुए उमी धर्मी मिँराए याक्याँत वाज्ज लिज्या।

ओर्ना ब यापोंखारिज्यावदा घ्याँ जैद याएज्याव।

माचाव येन दोज्यावरालाई ते कुरनी याचिऊज्याव।”

चाव येनत दुख सहिन्या

१३चाव येनत कलँ जेलिकिन सुए ज़ मावैचिर। १४खाली कैताराक चाव जेयेनत दुख जेदैकिन धन्याकावर

जेताज्या। जेखिरी पसिज्यावर रँ:द ताछेच्यो, हार तामानिच्यो। १५बुरू ख्रीसलाई जेयुंलाव जेर्गे जैच्यो। सुवाराए नो आस दाद जेनैज्यावए जूनी यासुधिचिकिन नोरालाई मासन्द चावस पलास्दचान्यात भाःसिद लिच्यो। १६जो येन जेदोदी ब छैव युंस दोच्यो। हो ताकिन ची जेमिन बलेद यायाचिदी ब, ख्रीसनिकाव चाव जेयेनए लाज मोर्नो ताद थाम थुम तान्या लेर। १७परमेस्वरए जेजुं दुख दैन्या जैद ओयाचिकिन माचाव येनत दुख दैज्याव देखा चाव येनत दैन्या चाव लिज्या। १८काराव ल्यो ताकिन ओल ख्रीसए ब जेलाई परमेस्वरस सखैन्याए जूनी जे अधर्मीराए जेपोल ओल धर्मी मिं थॉसिद जेपाप भरी तखेप्त ज़ ख्यादचाचिक्यो। उजिउ भाःद ब पुरूसनी सोके। १९नो पुरूसनी ज़ नर्गल लिज्यावरालाई मनी ओपां यासथैनाक्यो। २०नो नर्गल लिज्यावर भाःडाव नोआए ओपालाकिनकाव परमेस्वरए ओपां माभैःज्यावर ज़। नोआए नो री जहाज जैन्या ओमाखेमा पै 'कसा यायुं माफकैर' लिद परमेस्वरए कींद ओरानैज्याव। खाली नो रीनी जम्मा आथ जना वाज़ बाँचिकेर। २१नो रीनी

बाँचिन्याए ओअर्थ रील सछैसिन्या मिताव ज़ लिज्या। नल मनी रीनी जेबाँचिज्या। खाली हुर्सिद पाखाताव जेक्यांताव रीः जेख्यावनी ते माःक, परमेस्वरए ओडाक जेयुंलाई सछैद परमेस्वरस याका जेनैज्याव ची। येसु ख्रीस सिउनी ओसैसिउनी जे ब जेबाँचिज्या। २२ओल स्वर्गत बाद परमेस्वरए ओवोर्दा चुसिद ले। नल स्वर्गताव चाकज्यार, याहक ल्योर, यासक्ती ल्योर प्राईं उधूँल ज़ लिज्यार।

परमेस्वरए उयुंलाव येन दान्या

है जैद ख्रीसए मनी उजिउत दुखर उसहिउए जे मनी निताव येनत भाःसिद लिचिके। जोए दुखर दैद सहिज्याव, होए ज़ पाप दान्या ब रास्ज्याव। २नोए ज़ आव मानुवात ओलेवा भरी युं मानैधुन्या भरी रास्द परमेस्वरए उयुंलाव मितावदा वाज़ उयुं थू जैज्याव। ३डादा जे मनी परमेस्वरलाई मासरेस्ज्यावराए यादोज्याव मिताव पातज्या पातर्नी जैसिन्या, जोत ब युं मानैधुन्या, मँःए मँःए बारिन्या, तुबुरी दुलिन्या, मद छोकोरा वाज़ खेपैन्या सोनो युं माजामो अडग्या पुजा दान्यात कुधु समय जेभाःके। ४अबकिन ते

नो डादाकिनकाव जेनैरास जेजिउ च्यो च्यो जेभाःज्याव माचाव येनदा जेमाबाज्यावए, नोर अचम्ब ताद जेलाई गिल्लैन्या लेर। ५ हैदी ब तछा सिउ मासिउराए यान्याय फाल्ज्यावए ओङ्गाक च्याँःसिद नोर पाँव परि- रिज्या। ६ है जैद सिउरालाई मनी चाव था सथैसिउ लिज्या। हो ताकिन ची नोर प्राइँ मिँराए माँःती यासिदी ब परमेस्वरए उपुरूसनी एकम्याकावए जूनी बाँचिन्या लेर।

खेम्या बेलाकाव येनर

७ खेम्या बेला नजिकक ज़ हुद ले। है जैद जेतहस लिद पोंखारिन्यात भाःसिद लिचिके। ८ प्राइँरानी दान्या जे जेल युँ जीनी मया दासिन्या ज़। मयानी कुधु पापर कप्सिज्या। ९ जेभिमक हुज्यावरालाई मारूमरूमैद चावस यारासुम्यो। १० किताव प्राइँए तोबो तोबो भाँती भाँतिलाव परमेस्वरए ओबरदानर दैद जेनै, हिताव ज़ नो बरदानर चावस चलैद जे जेल समारि- सिच्यो। ११ पाँज्यावए परमेस्वरए ओपाँनी ज़ ओपाँक। सघैज्यावए परमेस्वरए ओसक्तीनी ज़ ओसघैवक। हो ताकिन ची जेदोव भरित येसु ख्रीसनी परमेस्वरए उमिन रेंःन्या ले।

नोलाई खर्क ज़ माखेम्या ज़गै मगै सोनो सक्ती उकुइत ज़ ओताक। आमेन।

ख्रीसए उमिनत दुख सहिन्या

१२ अ डायुँलाव डानैँ डामेर, जेखाल हूद लिज्याव दुखर रेंःद 'काता इताव' लिद जेयुँर स्यासे तासतेच्यो। १३ बुरू नो दुखर जेदैक रेंद लिच्यो। काराव ल्यो ताकिन जे ख्रीसस सिप दुख जेदैज्याव मिताव ज़ लिज्या। तछा ज़गै मगैवस उहुक जेयुँर होलाँ ताद रेंःन्या जेले। १४ ख्रीसए उमिनत हेला यारेंःचिकिन धन्याकावर जेताज्या। ननी ज़ परमेस्वरए ज़गै मगैव उपुरूस जेक्याँत चुसिहुज्या। १५ खाली जेनी मिँ सैःन्या, कुन्या, छुतए ओयेनत कुइ भाःन्या, निताव माचाव येनरानी सुलाई ज़ सजा ताताक। १६ ख्रीस्त्यान जेतावनी ते दुखर जेदैकिन जेलाज ताहुक। बुरू नो मिन जेदैवनी परमेस्वरलाई धन्याबाद चरैःच्यो।

१७ परमेस्वरए जाँचिन्या बेला हुद ले। उसंकत ओल उमीराए ल्योनी थूसिरिज्या। गेनी उथूसिकिन चाव ओथा माभैँःज्यावरालाई भन किताव ताके? १८ धर्मसास्त्रल मनी इताव सर्सिउ लिज्या,

“नो बेलाक धर्मीर
धो धो याबाँचिकिन,
पापीर सोनो अधर्मीर

कातानी याबाँचिरिऱ्याव?”

१६ है जैद परमेस्वरए ओयाचिउ
जेजुँ दुखर दैन्या ताकिन, नो चाव
जेयेनलाई मारास्द जेलाई जैऱ्यावए
ओक्याँत ख्यासिद लिच्यो। होए
जेलाई खर्क ज़ रास्न्या माले।

परमेस्वरए ओबगाललाव पाँ

५ जे मन्दलीलाव सेरर, डा मनी
जेसकाव सेर मिताव जैसिद
डापाँऱ्या। ख्रीसए ओदैव दुखर आव
डामीए ज़ डारैःके। डा मनी छीनी
ओसतैरिऱ्याव ओज़गै मगै जेस सिप
ज़ डादैरिऱ्या। है जैद डा जेलाई है
डादाचिऱ्या, २ जेपासल लिऱ्याव
परमेस्वरए ओबगाललावरालाई
पाथस यारानैच्यो। सुवाराए करकापनी
माःक, परमेस्वरए ओपैऱ्याव मिताव
जेयुँ स्यानी ज़ दोच्यो। धनए लोभनी
ब माःक, सेवा दान्या युँस दोच्यो।
३ जेधूँलावराए याडैत अखत्यासो ब
ताजैसिच्यो। बुरू बगालए ओड़ाक
चाव येनत सतैद नैसिउ मिताव
ताच्यो। ४ हो ताकिन ची जेर्गे गावला

फरी ओसरैःसिहुक जेलाई घ्योःव
मान याद एकन्त्या ज़ तह महौ
नैचिरिऱ्याव।

५ जे धापाज़ाकावर, सेरोराए यापाँ
धूँल लिच्यो।† सोनो जे प्राईं मास०द
सज़िमिसिद जे जेल चिऊसिचिके।
काराव ल्यो ताकिन धर्मसास्त्रल मनी
इताव सर्सिउ लिऱ्या,

“स०द सघ्योःसिऱ्यावरानी
परमेस्वर तँदा ज़ लिऱ्या,
सज़िमिसिऱ्यावराए ल्योदा ते
उयुँ य़ालऱ्या।”

६ है जैद परमेस्वरए उधूँल लिद
मास०द जेसज़िमिसिकिन तछा
सघ्योःचिरिऱ्याव। ७ वीनी फुइ
मालिद, परमेस्वरए ओक्याँत
ख्यासिद लिचिके। होए ज़ जेलाई
चिऊचिऱ्याव।

८ जेतहस लिद सैसिद लिच्यो।
जेसुतुर सैतान गर्जिऱ्याव ला माँःती
'सुलाई डाकैके' लिद पेमे पेमे खिम-
चिऱ्याव। ९ जे परमेस्वरए ओपाँत जेयुँ
सुहुपुद जेसा ल्यो ताद सैतानए ओड़ाक
थाँसिचिके। 'गेलाई वाज़ माःक,
संसार भरिलाव गेदाज्यु भाइराए मनी
आव दुखर दैव ज़ नैऱ्यार' लिद याका
दोच्यो। १० जे जाँवा पै आव दुखर

† ५:५ छुत बुभिन्या — मन्दलीलाव लोम्बाराए यापाँ धूँल लिच्यो।

४:१८ हितो ११:३१ ५:५ हितो ३:३४

जेसहिउत नो दुखरानी प्राइलं गराँव गोव परमेस्वरए जेलाई जेरुँर होलाँ जैदचाद, जेसार् हाइदचाद, ग्याल गिल माताद थरिउर जैचिरिज्याव। होए ज़ जेलाई ख्रीससकाव खर्क ज़ माखेन्त्या ओज़गै मगैवल सिप ज़ लिन्या खुल्द नैचिउ। ११ होलाई खर्क ज़ माखेन्त्या राज्या उकुइत ओताक। आमेन।

तुपैन्त्या पाँर

१२ परमेस्वरए ओपाँताव उयुँ हुबो गेभाइ सिलासए उकुइत आव तूइँज़ा

चिथी सर्द परींद डानै। आव चिथील 'परमेस्वरए उयुँ गेल्योदा इताव ज़ लिज्या' लिद जेरुँ सभेःदचाद सर्द डानै। नत ज़ जेरुँर थरैद लिच्यो। १३ बेबिलोनल लिज्याव जेस सिप छाँतिसिउ परमेस्वरए उमिनतावराए याल्योनी जेरो है दाचिज्यार। डाज़ा मिताव मर्कूसए मनी जेरो है दाचिज्याव। १४ जे जेल मयासां जेरो दासिच्यो।

ख्रीसए उमिनत लिज्याव भरिरालाई जेरुँ होलाँ ओताक।